

集部

銀定四庫全書為軒集卷二十三章

詳校官庭吉士具短

主事臣吕雲棟覆勘

覆校官中書臣 宋 校對官中書臣范

鏊

鎔

腾録監生 臣戴朝琛

てこうう ハチラ Transcription. 南軒集 **於見識但覺日勝** 臣之義要項自盡積其誠 盡則誠意已分烏能 張栻 日亦 撰

多分四月石量 隠容後便一 大概林擇之思慮甚親可重可重鄙意有欲言者不敢 辱示書并見所與共甫書論校正二先生集事備悉然 此事者極難得耳 甫云老兄又送所校來偶應之曰若無甚利害則站存 有說馬前次所校已即為改正七八後來者雖當見共 -晦叔甚進徳美已入書院生徒十五六人但肯專意 一寫去共講論也近來此間相識卻是廣 卷二十一

又二日而須來教若以為一時答共南之言忽而不敬 此本乃胡氏所傳者既而欲取一觀則亦因循而共前 錯已是與諸公校過常恨此問無别本得兄校正甚幸 無是也今以所校者改正近二百處矣當時胡家本極 與夫因循不敏之過則可若謂有私意逆拒人則內省 改耶前日答兄書猶云後來者未曾見也答書之次日 ていうう いきう 折簡徵于共甫而得詳觀其間當改處甚多方此參定 亦忘送來此則不敏之過也然豈謂胡氏本便更不可 南軒集

曾思之稱兄弟之子為姪無他義只是相公稱耳稱猶 謂是文定改此兩處則胡為他處不改也若此等卻望 子循或庶幾馬當時先生此兩處稱猶子亦復何害若 曲從如必欲以诉流為公流循子為好是也公乃是循 流而下更無別說沂流窮源則可見用力底氣象也試 於後學然其間有鄙意所未安以為不當改者亦不敢 上殿剖子之後此極精當能發明先王正大之體有益 如定性書前後語豈可無又如辭崇政殿說書表當在 卷二十二

多定四库全書

為百世師也况如淺陋得來書警策之甚幸嗣此無替 告者母情卻簽此卷見示庶成完書耳杖每念斯道知 斯義為望杖亦不敢有隱於左右也讀所與共甫書辭 字注在所校卷子中想共甫須送往尚有欲改及可見 似逆詐億不信而少含弘感悟之意殆有怒髮衝冠之 之為難知之矣請事之功為難氣習之不易消化也而 兄平心易氣以審其是非馬已作簡共南并亦時有數 てこうこ 可長乎人告之以有過則喜此為進步於仁仲由所以 へんう 南怀集

多定四庫全書 注 行也數日來聞二豎補外第未知所以如何若上心中 共南之召蓋是此間著績有不可掩然善類屬望在 程先生集既有舊本可據當不憚改但心疑數處亦當 象理之所在平氣而出之可也如何如何相察相正砌 太之道吾曹當共敦之 是見得近習决不可通道理分明則恐病根猶 作於其下所以存謙退敬讓之心下諭敢不深領

國但未見所以濟之之策已去復召卻又供職所不能 復和仇敵使命交馳痛心痛心陳應採時通書極知愛 知學不敢期望以向上事業耳湖南緣向來有位者惠 想數得相見但今日所謂正人端士固有之惟是 | 豎生不然又恐其覆出為

與可耳 姦長惡養成柳賊共父到頗能明信賞罰上下悅之今 欽定四庫全書 種議論待盜賊只知有招安正如待仇敵只說和一 柳桂盜賊幸有平定次第但安輯反側無存凋察正惟 此賊踩踐三路殺掠無數渠魁豈可不強馬特散其黨 野兵集者五千人若措置得宜當數月而定但今時 匪易如病癰疽須消盡毒氣使血脈貫通方為無事共 父甚留意偶來告有便介草草復附此 般

近世議論真所謂謀其身則以在尋直尺為可以濟事 謀 輸及易與天地準以下一章細看惟文義聯屬處猶有 **墮在此中况其它哉此風方熾正道湮微率獸食人** 人心承三聖事業耳 可懼也吾曹但當相與講明聖學學明於下庶幾有正 人國則以忘親的免為合於時變世問號為賢者政 往

當謹俟之也伯恭聞居深山間想甚勝向來聚生徒之 義皆窮理盡性至命之事也不識如何 一級定四庫全書日 其今夏止酒又戒生冷意思煩覺勝常年 所未達方更詳之恐有定論幸見教近看和順於道德 耳昨見所與劉福書聞郡中既以再解之狀申省今且 句乃是總括聖人作易所謂生著倚數立卦生爻 理於義恐正是謂易書之義盖與上四句立語同後 卷二十 一味善哦 飯

我則又恐非聖人解氣耳吾有知乎哉尋常只承程子 為不易也所諭釋氏存心之說非特甚中釋氏之病亦 多聞亦有議之者曾得其詳否伯逢止酒甚勇在渠誠 意固是聖人示人以近故以此數者自居若曰孰能若 孰能若孔子者哉又恐以若字易有字亦恐未安也大 甚有益於學者也但何有於我哉文義細詳之只是謂 大礼 引西上人的 此數者非獨有於我正欲學者進於此也故程子謂勉 人學當如是也日氏之說誠是添字較多若尹氏謂人 南軒集

見更定異同處俟更研究後便寫寄也仁說如天地以 雖是聖人尋常亦有說費處說隱處然如所指却有未 子多乎哉不多也不識如何 之說若文勢則上一句疑辭也下一句斷辭也循曰君 耳近兩書中所講再三詳之如中庸章句中所指費隱 **其幸粗安不敢廢學惟相望之遠每思講益殊不勝情** 牽強者恐此數段不必如此指殺某方亦草具所

金分世屋子言

卷二十

異然元晦之言傳之亦恐未免有流獒耳幸更深思却 之心人得之為人之心似完全如何仁道難名惟公近 以見教中庸集義前日人行速附去不曾校得後見謄 物我之私馬則其愛無不溥矣如此看乃可由漢以來 之然不可便以公為仁又曰公而以人體之故為仁 欠已可戶 八百司 言仁者蓋未嘗不以愛為言也固與元晦推本其理者 意指仁之體極為深切愛終恐只是情蓋公天下而無 生物為心之語平看雖不妨然恐不若只云天地生物 南軒集

吴晦叔八月間遂不起極可傷情湘中遂失此講學之 者也不知如何如此未稳亦幸為易之劉福再師此問 友豈復可得近聞已與矣有子方數歲也想亦為動 之詳矣因其近兵行附此一紙它俟後訊 若横渠張先生則相與上下講論者也本作合志同方 本錯誤處多想自改正也序文更幸為學括其間有云 銀灯に月白雪に 情頗樂之今次奏事所以啓告與夫進退之宜想論 卷二十

伯恭見報已轉對未知所言竟云何英州固為病痛不 依舊法義米各椿殼在逐鄉都分中曾見此文字否此 某已拜書偶有少事數日來方見李壽新侍即申明祈 所恨臣下不能信以發志耳建康屢得書亦念歸也其 假寐又伏思之吾君勤儉之德天必将相之有所開悟 小但其去也殊有所係近事想悉聞之使人憂心不遑 它遠書莫盡 とこりら ショう 南軒集

說殊當但朝廷下諸路常平司與州郡相度目前諸 我分四月子言 固已沮之矣區區之意以為可行但須條畫詳密乃可 兄在鄉所措置欽散米事今極有倫理其間利病甚切 望兄試為思而處之畫項見教附此人回幸甚聞向來 想究復之熟矣顋俟顋俟 例以為不可行可歎然壽翁所條似未盡而产部鋪法 歸十無二三此說得行當無此患文字恐未 如湘中卒卯之旱浮徙者無數徙者後來得

恨未得盡見之也蓋其間非獨可正一事一義於其立 尋之如何然前所寄數紙詳讀又於愚慮所益固己不少 恐未能盡又似太費力只舉其大者與其係目使人推 恐前輩說中偏處有誤後學不可以不辯但一 引周氏說為誰某未見此書也再三思或問所條析誠 胡明仲論語詳說雖未能的當然其間辯說似亦有益 てこうう ころう 於學者也有欲板行者於兄意如何章句或問書中所 見録一本去 氧酐集

數百卷書及列諸先生像此二字亦求兄寫當不惜也 多定匹库全書 到今未出兩紙只是想象模寫得其大都其間有欠關 畫僧只是 治材未立南阜未有屋成即謂之蒼然觀耳書樓欲藏 及未似處今且送往它時別作得重寄也書樓山齊方 **宣病痛來歷處究極之甚精也** 到城南經營即為劉樞閉在湘春作圖 卷二十一

只是堂中檢坐不許解免指揮未曾再被君命疑以為 日已曾如此今日更不得如彼只是清者之見自如此 向來略有疑於幹受之際者無它只為既已堅解後來 耳如何中庸章句如道不遠人章文義亦自有疑此便 身分上當然是能全其清者也因論及細思之非謂前 之說謂夷齊讓國故見伐國事不是不食周栗在夷齊 過今寬裕乃爾足見矯揉之功也夷齊事舊承用五峰 未可也今承來諭蓋已備晓但其尋常或慮兄剛厲之 **的开影**

無効經月竟至此弟弱子稚尤可念渠運來雖肯請論 疾髮者謂腎氣有餘以甘遂寫之自此泄利不止百樂 時見夢寐未知何日果遂耶馳想馳想 **新定四庫全書** 諸書文義間時亦覺平易中有味處病後醫者戒以少 即行容續條去所謂欲作一略解甚善其近來看論語 胡廣仲一病遂不起極可傷情渠氣本弱忽若腿髀之 作文字未欲下筆冬間有可求教者旋寫去盍替之樂

當失却聖人意脈如横渠亦時未免有此耳詩解諸先 告之以循序務本而已近來讀繋辭益覺向者用意過 城中要是渠自當離却婦翁家乃是伯逢月初已赴江 其子回信不知已達否晦叔在去下無過從欲決意來 甚害事也元侵家事如何其寄膊儀等去已久都未得 終是不肯放下病中過此猶為及此意然胡氏失之亦 也士子輩問有好資質肯向學者更看長遠如何此亦 東任諸公近來無甚講論德美却來數日終未能近思

拘汗表

讀自誠者天之道以下尤覺所解有功前面於鄙意尚 其幸如昨但自家弟赴官極覺離索之思耳日夕不敢 生之說盡編入雖是覺泛又恐學者須是先教如此考 | 欽定四庫全書 未曾無警益愈恨相去遠未得聚首耳中庸義邇來細 伊川先生簡語尤用悚然不知尊兄意如何每玩來書 究却可見平淡處耳如何 廢學第覺向來語言多且易只欲且做工夫讀所寄來

得之此書極有益也傳心閣銘序語誠發剛之甚佳尤 多疑處今復旋具呈子重編集解必經商量刊成願早 未刻有可見教尚其速示也在麓書院通來却漸成次 溪學記此本勝前前本大抵意不甚達耳其近為邵州 者睥睨作陰宅昨披棘往看四山環繞大江横前景趣 再來今下手茸也書院相對按山頗有形勢屢為有力 第向來邵懷英作事不著實大抵皆向傾壞幸得共父 作復舊學記其間論小學大學意偶亦相類録呈今猶 , ひながり ノ・キラ 匉軒集

來共登臨也它幾以道義自重 在道鄉碧虚之間方建亭其上以風害名之安得杖履 多分四库全書 多将仁字做活絡揣度了無干涉如未曾下博學篤志 知言疑義反復甚詳大抵於鄙意無甚疑而所以開發 切問近思工夫便做仁在其中矣想像此等極害事故 有不必寫去者亦宜附往論語仁說區區之意見學者 則多矣其間數段謹録呈今自寫出再看又覺此內亦

訊 編程子之說與同志者講之庶幾不錯路頭然下語極 議刺一夫不亦監且恆乎編通鑑綱目極善以鄙見每 併往近看此書病敗不可言其中間有好處亦無完篇 難隨改未定方今録呈亦俟諸老行寄去讀史管見當 事更采舊史尤佳恐通鑑亦有所闕遺耳它懷併須後 耳看元來意思多是為檜設言天下之理而往往特為 **刺纤**馬

矣雖是自家心安不恤它說要是於事理終有未順 問之及不敢以隱今日此道孤立信向者鮮若利此等 | 欽定匹庫全書 如何見子飛說宅上應接費用亦多更深加樽節為佳 為貧之故寧别作小生事不妨此事其心殊未穩不識 逼迫某初聞之覺亦不妨已而思之則恐有未安者來 文字取其贏以自助切恐見聞者別作思惟愈無靈驗 比聞刊小書版以自助得來諭乃敢信想是用度大段 卷二十

其作存作亡為感用此其差亦不小來示似未以此告 論心然未能明別其間始終真安邪正之所歸故逐指 晦叔留此旬餘備詳動止繼而游樣來亦能道近况於 尊意何如易與天地准章後來愚意亦近是然不如來 之耳近因游禄來理會出入字有答之之語録呈未知 軍後答游禄之語尤完 吕子約雖知聖人此四句正是 釋為多見前後與諸人論操舎出入之說剖析極子細 ていりうしいり 南軒集 迼

亨之象耳奈何奈何 毫涿漏則自是孚信有非口舌所能遽挽回也伯恭已 熾此尤可慮者吾曹惟當務勉其在己者若立得無 是不肯於鈍運處下工要求快便故差錯耳斯州之說 **説之詳明更不寫去** 多定匹库全書 造朝兩得書聞上 淺陋不足動人自是伯諫天資低所致若臨川其說方 近來士人雖亦有漸向裏者然往往為邪說引取大 一聰明肯容直言但陰盛陽微未見復 抵

報客城南亦五十餘日不到昨 如此朋友真不易得但論兄出處引周之可受之義却 定即挾策其間也當令畫圖俗工竟未能可人意俟勝 其食飲起居皆幸已復舊向來且欲完養此數日方出 似未然又向來聚徒頗衆今歲已 日自往平章之方得寄往耳伯恭近專人來講論詳細 平漫亦復不惡方於竹間結小茅齋為夏百計雨潦稍 軒集 往馬綠陰已淌湖 Ė E

多定匹库全書 **畢福師處却將寫了當祝封呈餘幾為道自重** 姑遣此紙早晚樞師又自有人行也孟子解渠却錄未 恐未免為才使今歸必首去求見其以下出人事頗多 誠之資質確實有志世故心實愛之但正宜為學不然 心恐難納之於義大抵渠凡事似於果断有所未足耳 欲因而引之以善道其謂來者既為舉業之故先懷利 南軒集卷二十

通鑒綱目想見次第甚有益於學者也重諭胡致堂所 欽定四庫全書 得其說武氏誠當誅畢竟既立其子難誅其母如來教 論五王不誅武后事偶無别本在此檢得然亦大綱 所云至於予奪輕重之間不過告于唐家宗廟廢置 欠かりラー ハチラ 南軒集卷二十二 書 答朱元晦 南軒集 張栻 撰 記

策以某愚見五王若有伊周之見則當時復唐家社稷 |處之耳然以中宗之昏庸其復之如反手耳亦豈是長 大義于唐家見存子孫中公選一人以承天序告于宗 亦思念周公之事如見其人然循云見堯奏牆之類也 如何不復夢見周公童恐只當從程子之說夢寐之間 與后父是其得罪宗廟不可負荷已自者見五王若正 何必須立中宗中宗雖是嘗為武后所廢然嘗欲傳位 廟誅此老媼則義正理順唐祚有太山之安矣試思之 卷二十二

知其非己有也謂至其能久假而不歸雖未敢便謂其 已物其恐孟子之意為此言却是開其自新之路曰鳥 而不歸爲知其非有謂雖使其久假不歸亦情不知非 能若孔子者哉終恐非聖人幹氣耳近晦叔理會久假 謂使學者勉進乎此者也若如向來所謂尹子之說孰 非聖人之心也若傳說却是世上真有箇傳說非妄也 若謂真見周公於夢周公不可見而見之夢而有妄恐 何有於我哉某後來只改作何獨我有之之意程子所 くれ うこう これう 南軒集

置温公之說然否 曾達否都不見來書說及耳書樓已成只是三間字稍 問曾拜書送城南圖并録小詩去且求書樓大字不知 多定四年全書 某超勉為州不敢不敬深惟聖人心誠求之與以人 能有之亦安知其非已有乎辭氣蓋完全也如何九 大于月樹可也願早得之牛李所爭雜州事當如何處 八之義庶幾萬一而未之能也幸人情粗相安蠶麥差 治 月

熟丁稅朝廷蠲末等無常產之輸七萬餘籍稍寬目前 為此論者未當了然於義理之所在而徒還回於利害 誠政恐學力不到無以感動惟悚懼耳正論極微假借 已晷言所處大概有以告之是望區區在此不敢不盡 其出入省户日到素發反復古義不遑寧處晦叔行時 多所紛更孤迹其可久於此耶 但弊根不除少須更力論之惟是與利之臣日進将恐 次足引申人的· 南軒集

者私勝之流昧夫天理之本然故推明理一 覺但絕少講論之益無日不奉懷耳西銘近日常讀理 之未途自額稅然之身其将何以障此波瀾然的留 近來議論甚進每以愚見告之不復少隱也 金次四個 白雪山 日自省中歸即閉闋温繹舊學向來所見偏處亦漸有 日不敢不勉用是瞻仰有不勝言伯恭鄰牆日得暗語 分殊之指龜山後書終未之得蓋斯銘之作政為學 卷二 以極其用

恐未知西銘推理一之指也聞範之說極佳即以語伯 祐間一等長厚之論未肯誦言排之耳今亦頗知此為 欠户可具人臣可 一 氏父子亦甚知其非向來見渠亦非助蘇氏但習熟元 恭矣只如此讀過誠可戒也伯恭近來儘好說話於蘇 老其老慈孤弱為幼其幼是推其理一而其分固自在 而其分之殊自不可亂蓋如以民為同胞謂尊高年為 以無事乎推為理一引聖人老者安之少者懷之為說)故曰分立而推理一以止私勝之流仁之方也龜山 南軒集

病痛矣孟子答公都子一童要須如此方為聖賢作用 遑寢食也柰何奈何 此意某見得但力量培植未到要不敢不勉耳此話到 慶在近不忍見大使之至也自惟誠意不充無以感動 一當歸去勉求其在己者今日大患是不悅儒學爭 請竟出疆顛倒絆停極有可憂其月初即求去蓋會 之覺難說称論甚熾人心消荡一至於此每思之不

金江人口居 白雪日

曹批見誠不過此來書以為未有孟子手段且循此途 **闊達鈍之說向來對時亦嘗論及此上聰明所恨無人** 乎功利之末而以先王嚴恭寅畏事天保民之心為迁 朝夕講道至理以開廣聖心此實今日與衰之本也吾 俟後便方得上呈更煩一往復庶幾粗定甚恨當時刊 化别耳知言自去年來看多有所疑來示亦多所同者 轍為少悔各是也但孟子亦何當外此意特其發用變 而其間開益鄙見處甚多亦有來示未及者見一 欠已到日上十 南軒集

得太早耳 金八里屋ノコー 請對之說容更思之區區本欲俟轉對對却在正初又 其出入省户日愧亡補所以見告者所謂實獲我心但 竭盡反復剖判庶幾萬一拳拳之心不敢不自勉惟吾 恐運耳自念學力未到誠意不能動人只合退歸勉其 兄實照知之寫至此不覺 酸鼻也 在我者然竊念吾君聰明勤勞不忍只如此舎去當更

庶往復有益也近來又看得幾段及昨日讀寄來者皆 為渾是此意也但所論其間有一二語鄙意未安俟更 為精讀深思方報去所貴乎道者三上蔡之說誠欠却 欠足可其 在 每段輕書鄙見于後有未是處却索就此簿子上机來 傳及遺書益知學者病痛多立言蓋未易也知言之說 本來一段工夫二程先生之言真格言也其近只讀易 西銘之論甚精乾稱父坤稱母之說其亦如此看蓋 南軒集

未及添入俟更詳之然便寄去 金八人口人人 其通來思慮只覺向來所請之偏陽然內懼不敢不勉 卷二十

高執之固後來精義更不可入故未免有病若二先生

母得來書益我厚矣蓋諸君子往往因有所見便自處

殊無一句不具此意亦謂鄙意然來示亦盡之矣但其

味也讀遺書易傳它書真難讀也西銘所謂理一而分

其猶一氣之周流乎何其理之該而不偏辭之平而有

也似不必於事親事天上分理與義亦未知是否曾子 之至義之盡者仁立則義存義精而後仁之體為無敬 管攝而害夫仁故西銘因其分之立而明其理之本 之勢然不知理一則私意將勝而其流弊将至於不相 意以為分立者天地位而萬物散殊其親疎皆有一定 問論分立而推理一 於全四年全十二 **森然者自不可亂義蓋所以存也大抵儒者之道為仁** 所謂以止私勝之流仁之方也雖推其理之一而其分 一與推理以存義之說頗未相同某 南軒集

江探伺渠到家專人店之是時亦得拜書憂患中正宜 頭但頗草草耳其近因與喬潘考究論語論仁處亦有 伯諫林釋之兄弟各有報書陳韓在此時相見亦肯回 凡皆肯用力潘今暫歸省俟其來皆令拜書去求教李 此如此等士人甚難得潘友端年方十七而立志殊不 今所寄尤密方更參詳之伯恭近日儘好講論喬拱在 說續便録呈晦叔猶未得到長沙書共父想已過九

之言二先生互相發明可謂至當知言疑義前已納呈

金ガスロバン インコードー

其備數于此自仲冬以後凡三得對區區之誠不敢不 次正明日本世司 一 自竭上聰明反復開陳每荷領納私心猶有庶幾乎萬 進德此有賴於兄也今日達官似皆不逮之故愛之尤 中儘可修治耳 爾遺書當更令修治近與伯恭議欲取此版來國子監 深而責之尤重耳元復所謂但證候小變者鄙意亦云 之望正幸教誨之及引領以其也講進開在後月自 南軒集

甚多要之言學之難誠不可容易耳面解須子細看方 有 當大慰人望晦叔己行未耶聞其歸計費力極念之亦 招出可也不然却只是轉辯求勝轉将精當處混刊 垂 海甚荷向來偶因說話問妄為它人傳寫想失本意 金がなったとうで 求教但覺得後面亦不必如此辯論之多只於綱領處 則非所計也劉福歸想得敖曲憂患中益進德業異時 此或更得從容以盡底蘊惟是迹孤愈甚側目如林 一書不知尚可及否太極圖解析理精詳開發多矣 卷二

如何 兄翌早可去此自此前途小憩殘暑即由大江歸長沙 其十三日被命出守次日早出北関來吴興省廣德家 列荷吾君知遇近無所補報學力不充無以信于上下 故居偶見陳明仲知有的便具此紙奉報自惟備數朝 使人眷眷不忍置耳 次足四甲全里可 當温釋舊學益思勉勵它皆無足言惟是吾君聰 南軒集 明

靜為本然要須在我有隱然之勢則安靜之實乃可保 某題勉南來視事喻旬矣廣石比之它路取為廣漠而 まどくひん インル 存而其實都亡方尋繹舊規若此事有緒庶幾邊防差 方考究料理不敢苟目前也遠方法度廢弛惟以身率 壮誠之已來未到也南來明舊潤遠殊重離索之歎偶 之立信明義庶幾萬一諸路土丁祖宗良法今虚籍雖 冷與最甚蠻落雅盱邊備寡弱日夜関處固當以安

言日夜題勉悚惕之不暇所幸綱紀粗定人情頗相信 其守藩條八閱朔矣佩心誠求之之訓味哀释勿喜之 有係理惟是自靜江之外諸郡歲計闕匱異常甚至官 欠己り自己という 可寒心事極多邊備兵政亦隨力葺理保甲一事亦頗 向又歲事極稔盜賊舜戢目前使倖無它而環視一 到建康責任甚重臨行示略獻區區也 府中遣人買茶略附此紙少定專人去相看共父想己 南軒集

賜可才此詳講熟慮庶幾有以少寬然其間曲折亦多 願與憲漕共考究一路財賦底裏通融均濟之計幸家 吏乏俸軍兵之糧此亦何以為郡坐視民愈困几有請 間亦有數人怒實可委其餘隨力使得自展有不率者 之歎蓋習於放縱已久今却極相安有樂趨事之意其 金分四屋ノニニ 小記納去凡此不敢不盡區區耳官察其初頗有拘束 不敢欲速也學校略與整修士子中亦有好資質時 二來都齊與之講論底知向方三先生祠其誤有

核地峭堅林立四野此語足以盡其大縣近觀水東諸 其詳故縷縷及之靜江氣象開郭風氣疎通覺得無暈 徒流真有刑不足以勝姦完使人愧懼恐兄見念欲知 害吃嚴首捕之科明其賞罰接踵而至幾無日無之 此路向來盜賊之多正緣配隸之人萃馬例皆迎逸為 先之以訓督不俊而後加以法通來覺得飲縮者多也 其强肚以為効用故少戢也然廣中之人亦自多犯法 次定里和全事一个 鴻寒暄之候殊不異湘中環城諸山奇變柳子厚所謂 南軒集

誠之在此極得其助近亦得殿讀中庸章句晦叔許 一般空明寬敞惟龍隐最為勝絕蓋在小溪之濱水貢其 父處人回得書請祠之意甚濃聞所施為大抵類長沙 來已遣人取之旦夕可到相與講磨庶少慰離索也共 慎獨始終之道區區朝夕惟從事於此而未之有進也 也其日間亦得服讀書但覺向來語言多所未安尤一 中深窈停洑以舟入馬石色特青潤嶙峻變怪殊可喜 敢輕易立解中庸末章自衣錦尚網而下反復引詩明 重グロバ ベニア

望兄自以已意開廣之今日達官如是公誠亦不易得 長沙之人今歲緣茶賊之擾害人甚思之但其前書動 灰色日草 全事 望之深耳伯恭今次講論如何得渠書云兄猶有傷急 無以自見耳若當大任恐有所妨方欲作書述此意亦 能辨通都會色豈無可器使者恐吾恃聰明以忍之彼 不容耐處其又恐伯恭却有太容耐處然吾曹氣習之 到江上尤不見有人才其實懼此語天下事豈獨智力 渠謙虚使人得以自盡人才大小皆有用處而報書謂 南軒集

方也賀州有林君熟本政書想亦須見謾附一 謂罰者可行否更須詳論精處若問居行得誠善俗之 金ガロアノ 甚敗度者則又害事擇之則便生議論難於持久兼所 祭儀及召氏鄉約來甚有益於風教但鄉約細思之若 聽否子澄長進否擇之亦久不聞問矣無咎昨寄所編 統之不遑正有望時加砭劑也陸子壽兄弟如何首相 在鄉里願入約者只得納之難於棟擇若不擇而或有 倫乗問發見誠難消化想兄存養有道如某病痛多統

大とりましたかう 者殊惜其不得施用也所欲言甚多未易舜究餘見別 録續當奉寄此公所至有惠政乃是廣中人才之卓然 外又於其家求得數書有論屯田項目亦甚有工才抄 固多未盡然其人 一生用工於此其說亦者本可貴此 南軒集

南軒			
南軒集卷二十二			
+			
			; - - -

某黾勉于此亦復 欽定四庫全書 てこうう これう 計早 1所入全仰漕司撥鹽息以為歲計往年行客鈔賣數 南軒集卷二十二 不多却有折米錢甚重民深病之因此致盜賊後 書 答朱元晦 不敢追寧耳本路鹽法正緣諸州荒寂都無 載幸人情粗相安惟是思為久遠 南軒集 張栻 撰

行官搬只以靜江言之若無此便無以支梧令靜江措 多分四盾全書 客鈔之時若諸州俱能如此則當不至為害但諸州漕 故改為官搬而罷折米中間廣東以為不便而爭之再 有前日論奏後來漕司蔽護不肯增給近頗得要領戶 行客鈔然所賣數多蓋要足漕司歲計與諸郡之用口 一頗有倫緒不抑賣不增價公私皆便之鹽價反賤於 撥得息少彼無以自足則增抑之事從此而生故某 年鈔大積壓諸州的窘急而漕計亦不足於是復 卷二十三

須於此減得然後動法可行不然則立致敗闕也恐欲 副今每歲反應副外路野渚大軍錢靖州歲計錢及買 馬錢合二十一萬稻則安得不費力極本窮源而論之 再言之恐可遂也大抵此路窮薄祖宗時全仰外路應 補處脫落今所磨却甚平完見議下手刊刻也所寄孟 知曲折略此布之虞帝廟碑己求得季克字甚古磨崖 子數義無不精當其近頗得服再則改舊說方得十 **比舊刻處乃大勝蓋舊刻多鏬縫塡補令缺文皆是填** 大人可言 Aideio 南軒集

者只是有倫緒而不奈之謂始係理者析果理於毫釐 段侯旋寫去求教可欲之謂善誠當指人而言如横渠 曾是指人而言如此下語如何金聲玉振之說條理云 之說蓋凡可欲者善而不可欲者惡也人之所為有可 反復也易說未免有疑蓋易有聖人之道四恐非為 未順中庸大學童句亦己詳讀有少商量處須更子細 欲而無不可欲者則之人也謂之善人信字亦如來諭 也終係理者備聚理於一貫也若指條理為脈絡却恐

现發處氣稟所備尚微有存也更幸深察之游誠之官 **筮專為此書當此爻象如此處之則吉如此處之則為** 儘少涵泳辭色間多與人 忤正須深下工夫乃佳耳 聖人所以示後世若筮得之者固當如此處蓋其理不 次定四車全書 一人 期到行己旬日其人明决有力向來良得其助但義理 也然亦不敢輕論俟更深考山中諸詩紆餘淡泊諷之 不能已但覺其間猶時有未和平之語此非是語病正 可違而卜筮固在其中矣如蜀莊則專用之於卜筮者 南軒集

其追勉所職無補是懼目前幸歲稔盗息人情相安但 政科配諸州錢物不少渠雖力與之辯不肯承當恐蹤 礙耳近見季克寄得斯州李士人周翰一文來殊無統 迹或不能久安耳 擇之令却留此通晓民事好商量但講論多有成說為 一耕道聞氣東差勝舊書解亦然可喜但適遭府公新 八所安本在釋氏聞字伯諫為其所轉可慮可

欽定四軍全書 後來改舊說頗詳續録呈武氏事誠有難處維州之 身而至於誠則樂莫大矣誠則實能有之也又論未感 抵不能反身則自不與己相干它人飽食何與己事反 四端之理固己具於中及其感則形見也聖智巧力其 伯恭相聚計講論彼此之益甚多恨不得從容于中也 環視一路可為寒心者多亦切考究以其大者控陳矣 寄示學者講論一 四端混為一理却有未安未感時雖是渾然而所 紙所論萬物皆備一段意亦近裏大 南 軒 謂

時已復不能收拾要是因循皇恐耳近年讀書頗會 服有可見教不惜示及 韓曾用財之說甚善甚善其此問應接賓客民事通近 正是鄙心尚有少曲折後便係盡久假不歸當從晦叔 两時又将兩時退而考究紬釋訪問此外尚得讀書 去非兄致力豈能便爾感幸感幸向來固屢家諭及是 出處之計竟何如須著一 出否孟子解等最版得遂漫

官守事奪不敢草草耳所部自增給發息之後頗可支 次足写車全書 蓋無此鹽法便倒了一路便受害向來幾為妄吏羨獻 易中意味向來多言徒爾為贅欲下手痛加則正終以 梧横飲前征得以嚴戢比復有請漕司輒增撥鹽數諸 般鹽本此乃是一路根本一毫不得妄動每歲終申 飲饋送等費並坐贓論已蒙如請行下又請以見在二 州輒増鹽價並以違制論諸州將鹽息撥入公庫充燕 **丁萬緡專椿克漕司買幹鹽本二十萬緡專備借諸州** 南軒集 省

置椿管應濟矣趙若海若得疏通暁事便自見此今日 是絕一路命根也可懼可懼此情亦已行下同運司措 勢無南顧之處矣適會新憲到官未一月而阻批者復 邊頭所患少財亦已有請庶幾規奉悉定有可繼之實 金ガクセラ ノニア 之間招補将兵關額修堡塞利器械可有永久隱然之 耳偶有一項錢為三邊州請為回易之本若得此三年 但未陰雨之計不可不素整今靜江教兵頗成次第矣 正要漕臣得人庶幾一定之論可以疑固也諸邊悉寧

通構兩臺事緒雖多然凡事血脈究見不敢不竭鄙 欠小可時人時可 少忽逐近幸寧靜人情相安頗覺省力但義不得不求 **閉退此請若尚未遂當更力言耳然未去問種種不敢** 勉于此且三年矣此間氣燥而風烈久處其間宣得無 其马祠乃不獲命一味皇恐已再具請度必蒙於九軍 也續候聞出處定論別專人修問次 所傷加以失患悲悼之餘尤覺費調護又况事理自當 南軒集

於文字問殆亦天意也中庸大學章句極涵蓄有味它 書久久愈見其味舊說多所改正它日首以求教向來 武兒子護亡室之丧已抵長沙以此月葵事小地得之 論語日夕玩味覺得消磨病痛變移氣質須是潛心此 細大無不相關今凡百悉從痛省只覺恬靜之為安矣 歸顧惟主恩曾未有毫髮之報區區何敢有懷安之念 湘西山間其項曾見之頗為穩密惟是自失相助家事 下十章癸已解望便中疏其緣見示兄閼中想得專精

解 放字大耳詹漕體仁孜孜講學每相見職事之外即商 學中重刻責沈納一軸并十本去近思録方議刻欲稍 質何處無也 想皆用此體通鑑工夫今何如有相從者否近東廣 二士來相見篤茂可喜此間士人似未及之良才美

次足四事人里 一人 確義理殊為孤寂之慰其趣向亦難得也本路州縣間 《才尋常不敢忽有思慮有才力者亦得數人有邕州

南軒集

石子重陳明仲魏應仲三書煩為自使轉達林擇之久 亦謾及之 **倅吴傅者雖是粗疎然忠義果斷疾惡如讐緩急可用** 固是可喜事但未見用其言而自明兩選矣在言者亦 更須審顧也趙若海固為才健但近來出按諸郡拘累 工夫耐久者極難得也鄭自明直言亦不易容受其直 不聞問今何如近復有何人相從長遠者誰誠實肯作

識之但深素主張行動法渠未見此路利害得其求同 却與廣東詹漕兩易渠尚未歸也詹却頗有氣味舊熟 錢物殊有過當處 遠近殊恬靜邊上緣向來多是姑息不立壞却綱紀近 頗修正二三矣大抵議論往往墮一偏孟浪者即要功 飲定四軍全建司 家事共議其至當尤幸耳本路緣數劇盗皆就擒 切放倒為宮則均耳 庫遂致有無錢支俸散衣處昨日報凡郡之財悉狗入漕司寄棒下日報 南軒集

諭及大學中人之其所親愛而碎馬處當讀作傑字 覺得應事接物時差帖帖地但氣習露見處未免有之 明恨未得盡扣耳某數年來務欲收飲於本原處下 從所僧之言雖善為惡亦是意也想静中玩繹多所發 復詳之甚顯然且是上下文義貫穿無可疑者其理 於修身齊家極為要切易傳所謂妻孥之言雖失而多 向鞭稱不敢少放過久久庶幾得力耳冬夜殊得讀 服温釋舊說見得其問縱有說得是處亦復少 則

有ノノモ

欠足可申入事 一 事皆爾理道本平鋪放著只被人起意自礙了然此是 說所蔽此豈獨讀易為然凡書皆爾豈獨說書為然凡 者蓋非一事也自甲午病後雖痛節飲但向來有酒積 益恨向來言之容易甚思得開從頭整頓過所欲面承 俟更平心易氣徐察之也所謂若稍作意主張便為舊 在腹間才飲一 疑獨易說未得其安亦恐是從來許多意思未能放下 郊賢者之决也以此益覺精力勝前耳於所講論皆無 兩杯便覺隱隐地遂禁絕不復飲蓋亦 南軒集

|若得計臺以根本為念不為新奇不迫以舊連庶乎可 具布也兄何以幸教之本路諸事幸粗定諸州例頗舒 事理有不容久冒昧于此想兄亦悉其詳身之利害非 某八者蒙誤恩因任醉而不獲極用棟皇但再三思之 非要它不思量蓋只為正有害於思耳 多元とでた という 屬密院耳少俟開正後當力控陳其間曲折遠書未易 所問正恐或至胎害一路蓋帥司事動涉邊防而皆係

處炎方其預驅雖幸差健然恐氣血未免為所然薄兒 得隨即更請以得為期非惟己分時義所當退開兼 **區不敢不竭誠盡力也苟一日未去此則不敢少忽耳** 某新歲來即欲申前請適以買馬事方與不免少待近 欠己可見 在時句 **劉子至上前度可必得得想當在後月來也如或尚未** 以望休息但他人所見類多不與此意同奈何然在區 己畢事即日走价控陳執事者漠然不以為意今力具 南軒集

覺難以此思剛明之資誠不易得相與任重行遠要須 得似安於此然力箴教之不可已也氣禀與家學之說誠 得若人輩耳來諭闕 甚省力但朝廷既無相知者脫有意外深懼不相應此 之憂慮耳遠方之人似頗相信凡百易於號令凡初到 子素來氣弱哀苦之後遂得肺疾尤非熟地所宜殊為 膽薄而少决今日善類多有此病在此每力扶之終似 尤宜速去耳管體仁態實肯講學不易得但未免弱蓋 金牙四月子言 之病都意政謂然亦屬告之覺

欠足可与人的 一 當而玃然有省且依然有歎也吾曹豈私於所好哉自 |之可耳近得劉子澄書云闕 甚精每得來書論學及政及評品人才未嘗不犁然有 修書事自不同温公所稱意自別耳尊兄閒靜中玩理 後又復且隨衆而處亦何能為有無哉此特為尊兄言 然不能矯正只是剛明不足耳關 此是何議論金馬宣避世之地耶范淳父當時同温公 入心府已覺流葵甚言觀糊 南軒集 正似記淳父避世金馬 意亦近之渠一對之 種議論後生輩

思一會見講論未知何日得遂耶中庸大學中三義復 覺理有不可易者要當相與負 固勉属而已數年來尤 之學記得兩石甚堅潤且學見磨治刻字當檢點子細 子曰此一節子思喫緊為人處讀者其致思馬則已是 我好吃吃 白雪 日俟額字之來耳所要碑刻文字寄去數具別紙林擇 此等意思誠解經之法也如云感通之理知道更幸詳 枯出此眼目使人不敢容易看過矣如易傳中多有如 辱詳示今皆無疑但截取程子之意似不若只載云程


是後來可望者蓋天資元來剛介令却首作工夫耳以 之可念當時似不必如此遠去耳今亦分俸薄助之附 吴德夫但鄭君已赴銓矣吴晦叔已爽子殊幼弱耳湘 次足四年 全世司 此便告幸為轉達吴門蹤跡亦見別紙陳鄭两書已付 之才其父規紹與問與劉信叔同守順昌者也亦恐欲 志於事為於邊防兵法屯田等事皆曾講究乃一有用 母老不得久留今歸矣有新貴州守陳唐弼過此頗有 中士人有周奭者舊當相從近來此相訪頗覺長進似 南軒集

知游誠之時得書否心極不能忘之然要須更加動治 |前非有欲問中讀書之意未知如何又恐為釋氏乗此 時引将去也義利交戰卒為利所奪君子小人相好卒 子重之對如何後來有何學子及人才中有可見語者 之功耳亦幸時因書告語此等資質宜有以成就之石 其責也然誠是終可憐耳建康數通問否近日意思 因書却幸筆及英州兩遣人看之數日前得書頗似悔 八所汨蓋亦理勢之必然此渠前日之為亦不勝

あたくせった ノリカル

問不十日可泊城南書院堤下矣學中見刻易傳湖席 欠了可見を動う 問難得此本耳近思録中可惜不載得說舉業處幸馬 為復如何此僻遠然是疎得音書且都不知事耳 此問歸長沙一水甚便只數日陸行到清湘登舟春夏 數拜書否隱齊者語願亟見之 示尚可添入是兄一手所編書此不欲自添也舎弟數 南軒集

為事時過細論殊慰孤寂舊在嚴陵相見頗惡佛學今 當為法受惡無所辭此義烏可不立也管寧之徒亦誠 金分四月石雪 體仁豈弟愛民凡事可以商量又趨向正孜孜以講學 程先生之說雖少然總領畧具矣本路新漕詹君儀之 如所示拭近因讀春秋胡氏傳覺其間多有合商量處 前時承書中諭及狄梁公書法甚善使梁公親聞之亦 三士人肯思慮能自立者但向來無師承方告以所當 不然亦得伯恭之力其人恐有可望也二廣亦有二 卷二十三



游樣後來會相見否計今已還也晦叔不知尚留彼中 我好四年生 人與己本均有也故以人治人如此看似意味為 南軒集卷二十三 以為須将人字做人心說亦是旋添入不若更平易 如何 庸後解想已付渠來甚欲見也如道不遠人車鄙 何所為道故有伐柯睨視之譬知道之不遠 一初不遠於人之身人之為 道而不近求之於

欽定四庫全書等部

南軒集卷二十四至

主事臣吕雲棟覆勘 詳校官族吉士具短

覆校官中書臣宋 校對官中書臣范 腾録監生日 戴朝琛

鏊

鎔

次と日本とよう THE REAL PROPERTY. 南軒集 此伯恭尚未寄來也 誠之誠長進但向來相 進以後後來過目有

堂次第而立關 開當漸可圖也是間學校廟宇已成頗為雄壮書閣講 書甚幸但近年極思與君子一相見何日得爾耶價居 多於渠當復有深益其若祠請得遂徑歸城南温釋舊 過之恐早晚去此求記不關 聚見其病多在於之一字亦當力告之若不痛於此下 金んりにんという 則思慮雖親切亦然必失之耳今在彼動心忍性處 人走前它懷此未能具布 然大抵類長沙學而木植規範似 令具始未及畫圖旦夕

其幸粗安常近緣憲漕兩臺俱闕官不免時暫無攝雖 等樂頗詳一 米錢事會適家恩百施行因得子細奉承且為一路思 借本脚而又措置防異日漕司增鹽諸州柳賣及妄費 久遠根本之計椿貯四十萬緣於諸州以權衡鹽法接 心也向來慮所論乞增撥諸州 欠へうら へきう 事緒頗多然一路滯獄苛征得以决遣蠲放不敢不盡 列上若非今次攝漕事則亦無由料 南軒集 分鹽息錢及增邊州

為亭以職之嚴曰韶音亭曰南風亦恐欲知中庸集解 後文字俟一 得也此是一路性命所係前日幾為小人盡刮以獻前 石遂鑿開一嚴頗佳嚴之後正臨皇澤之灣今欲當户 字謾附呈兩日以霖雨不曾打得也磨崖之傍近因取 已成只是覆尤溪版納一部去見刻三家唇丧祭禮温 以沙舊盧耳虞帝廟磨崖已刻得有次第前日打得以 川未畢也孟子欲再改過終緣公務斷緒蓋雖退 録去此事一定則批者欲秋凉後馬歸

卷二十四

具見别紙速遣此价它未能及俟碑成再遣人去正惟 其於庶事又有當考究思慮者不敢放下耳偶有少事 某近聞建寧書坊何人将癸已孟子解刻版極皇恐非 為道義重 惟見今則改不亭恐誤學者兼亦甚不便日夜不追己 望兄力主張移書苦言之且諭書坊不勝幸甚此价回 移文漕司及府中日下毀版且作書抵鄭傳二公矣更 欠已日日上十 南軒集

謂冠禮廢天下無成人也惟早留意幸幸虞廟樂 議定耳凡者長沙亦畧考究為之說其間固多未安今 欲知己毀之報甚望 金八口匠人 設録呈願兄裁定示海此事乃人道之始所係甚重所 如冠禮乃區區久欲請者當時欲留此一 奉教以禮書中不當去冠禮事甚當是時正欲革此間 風俗意中欲其便可奉行故不覺疎略如此見己改正 巻二十 段候将來商

盡者所能開迪此論之至當某之愚近思之亦謂然如 恐愚民不識用意之所在傳訛為怪異怳忽故未敢刻 飲定四車全書 謂如何若只如闕 無病痛出來已是大縣竟何益也然此論切不可輕出 以未刻者緣有少疑辭固高古有餘味但如神降集写 更幸詳之見教乃得奉承耳所謂天德剛明非幹母之 一属舞之類恐涉於不敬又此邦之人尚思訛怪百端 **董難責蓋未免要它官職耳不知寫與伯恭渠** 所執恐終無益下梢了得个渾身 南縣

某已遣人行偶復記有一事再此具布虞廟碑中於嚮 歸當今將書往見趙守專辨此事須煩字君面看勞版 孟子解板不謂鄭少嘉全不解人意早晚賀倅李宗甫 是時亦拜書煩力一言也 已是被人憚吾輩之深未有益而空先重其疾耳 乃是從向古字固多通用遂不復改幸炤悉 宇此間有舊日監本西漢書檢得甘泉賦中所獨豊融

一類外風俗尤樂雖未易遠正然不敢不開端示斯如喪 次定四軍全書 彼尤不應恝然也石子重向來聞在三衛群召命甚善 轉對恐當為去就計近見臺臣論程學云云如伯恭在 私心甚欲一 語說存荷指諭極為開警近又刪改 也學舎已成方敢請諸邑有行義士人入其中為表率 今聞已到闕未知所言何如耳其它大抵非遠書可達 相會若得至長沙當有可議耳伯恭既已 南軒集 過續寫去求教

諸家之偏當自能見之不然却恐使之輕易趨薄耳 陶之未至耳 祭婚相間亦頗有肯革者理義存乎人心但患啓迪薰 論語章句精確簡嚴足以韶後學或問之書大抵固不 不能得盡只使之誦味童句節節有得則去取之意與 可易之論但某意謂此書却未須出盖極力與辯說亦 卷二十四

其自附陳明仲書後一向之便嗣音惟是懷仰未當忘 欠己日月八日 俟到武昌更再遣往臨書涕零不勝情也 嗣子頗能立否凡事相悉倚賴賢者當亦不惜力也勢 殊未易時多艱虞喪此柱石深為天下痛情之不但奶 人相與之私情想同此心也奈何奈何其家事令如何 在幾時有定耶其義當往哭適此拘擊今且專价去 病處至薨逝聞問慟哭傷痛奈何積望至此亦 南軒集

看出者併俟後便此論誠不可示它人然吾曹却得此 者得所寄助長之論甚合鄙意俟到長沙録去求教自 也知言疑義開發尤多亦有數處當更往復及後來旋 精正當深培其本耳修改得養氣說數段舊說暑無存 極覺向來偏處取所解孟子觀之段段不可意義之難 子之說伊川法則之語深有味於此看得道字極分明 也秋凉行大江所至遊歷山川復多濡滯今方欲次鄂 渚更數日可解舟舟中無事却頗得讀論語易傳遺書

建分工作 白雪

多大有害事處益知求道之難也 財賦屬總司所謂即臣者其所當為要是以固結民心 積弊之餘綱紀委地無! 所能勝然亦不敢妄自菲薄通勉激昂期為遠計第承 其受任上流到都恰一月顧此地在今日至重宣謭陋 欠足り事を見り 反復尋究甚有益不是指摘前輩也上蔡語解偶處其 似相信愛邊備深可寒心軍政極懷今軍事在都然 的軒集 一事不當整頓令頗有條緒邦

一營在此者亦萬五千餘人非復去侯向日規摹近日曾 律明節制兵雖不多要是規摹不可不立荆野大軍中 為本使斯民皆有尊君親上報國疾警之心則以守固 神勁馬步合千人騎軍共父所制也方一新隊伍嚴紀 籍且數年不教其勢因循見行整頓此事在於人情亦 似樂之然其間曲折之宜正須精密乃可帥司兵但有 坐失上策于今幾年義勇民兵實多强壮但久不核其 以戰克矣此路民貧悴尤甚它處田多未發茅蒂彌望 金グゼル ノンリー

之而號令則不可少犯頗肅然無敢干者襄陽去此平 當以死守之往年劉信叔號名将張安國素豪俊然為 原四百餘里耳然向來兵不曾出此者以糧運費力之 色前此其軍擾郡中百姓不可言某務以信義開懷待 唤來射亦全不成次第兵將輩見師司治軍似頗有愧 故顧此亦何足恃但此間乃吴蜀腰領自襄陽至此要 大繆不知縱敵使至此更有甚世界此皆不知義亦不 即時才聞邊上少警便倉皇要為移治江北之計此乃 次定四軍全十 南軒集

懇辭再四不獲就國為宜一境之民得蒙被詩書之澤 敢自保其久于此惟是深懼一日必葺之義思劾萬分 知勢也其孤危之蹤獨荷主上照見使為此來然實不 金グロババー 伯達夫田文字前日來時過尋不見輕更求一本及兄 有可損益於其問者併願聞之甚望 而獨力更無人相助欲碎一二官屬未知得與否耳范 其幸哉某居官如常但几之靜江應接頗多殊覺心

迎送後使之類並罷專一令防盗服時習武若今冬未 之立節制總紀使各受縣室節度寓以階級向來科 初頗不安賴此安靜但孤蹤殊不敢自保然尚尚留此 京西界中有賊過北界却其縣殺其令歸途涉本路境 服耳所幸遠近頗寧肅雨澤沾足高下之田悉得就耕 欠日日 八十 每事不敢不追勉義勇近來振激之頗覺它時可用為 引京西賊却天下之惡一也本縣亦縛送之邊頭之人 追捕得數量果于境上其中有北方官員亡奴過來勾 南軒集

國守臣但當握節而死耳渠頗悚然然其所恃者有此 即是平原走襄陽僅六百里所恃者襄漢立得定折衝 留襄陽比來此相見其人乃郭是亦明快可與語問其 桿般耳太科當力任此事要兵要糧此當往助若放其 此間得無為守備乎緩急有堡寨否某應以此間出門 以罪去當更聚閱整齊之本路副都統兵寨在此而身 有緩急移保江北之論乃大緣也使敵到此地何以為 肝脾裏人心瓦碎何守備為向來劉信叔張安國皆

我 5四月全書

次定四車全里 半年所見如此設恐欲知劉實學志銘正月半間專遣 及經理義勇兩事可書但是時為政循未及晚年在建 之見也共父遂葵聞之不覺淚落渠此間置神勁馬軍 价走送其家至今無耗殊不可晓令録本去拜呈恐未 結其心愛養其力庶幾一旦可共生死第一義也到此 一萬來義勇所當整頓緩急有隱然之勢也今專務固 南軒集

目前大利害見考完以次陳也惟是孤蹤不敢自保然 主可為忠言士大夫往往貧之耳如茶引會子上供皆 知其是有不敢將街者不免徑自以聞便家開可為明 觀望者所害比列上為久遠計諸司皆恐未合時論雖 見求牧與獨固當然也其於此有所見亦不敢以隱但 亦精審而後發耳辰沅等五郡刀弩手事近歲為誕謾 仁風義氣想已周浹四境重稅厚供想已考究本末備 まりでんべい 日必茸之義不敢少墮耳義勇事屡水問及共父向

是理亦明示節制使知縣而不任則去之可耳比有總 次定马和全营 循序此最要務也然義勇尋常多有所患若如率飲等 首徑申本司保明差一部将不經縣道不免懲治使知 如免役一事極害事後來至縣道無人可差役中下以 來在此入奏謂義勇武藝勝大軍緩急可調發某實未 見其然然其人多强壮倉卒足為荆渚之衛以壮上流 下户反受深害今亦脩正其事又縣道不能節度豈有 -時可以捕察盜賊此則然耳共父御此輩未免姑息 南軒集

為盗誤官軍使敗且假盗以報冤用此致家貨界鉅萬 之後不免重賞連獲江湖間積年殺人之賊以正典刑 又有一賀之美者乃一路囊素渠魁六七年來激茶客 說甚皇恐不知何以得此連日循省緣初到時承縱盜 金ガクロガノニアモ 但患武将極難得亦是近年以來進退在近習之門所 取皆誕謾之華壞得人才狼很極可慮耳所論傳聞之 可不明耳若今冬聚教某未以罪去當更一 切禁止所以恤之者固不可不盡而於節制則 一整頓之

吏向來受賂故縱者今年茶客盡循約束無一夫敢持 間斷耳尚氣之言亦每防有主張過當處亦不敢不聞 矣但昔人哀於勿喜之意每切味之要須使此氣味無 兵行於途者此一事之力為多恐或者便以為嗜殺耳 其妻子盡沒其質歸之有司而不有之併按治憲司大 近數月以來既幸無新盜而舊盜已多得亦無所用刑 次定四年全 而警之也近安一郡守素來內險事極被指不得而已 一路之人怨毒之深畏之甚如虎狼不免逮捕按誅徙 南軒集

異時恐亦不在祝大任之下因思諸葛忠武李平廖立 省獨兵戈間葵病非一級其尤者列聞它不追邸也兄 幸安職守今年雨腸以時可望一稔盜賊頗戢刑罰亦 之事固是公道然亦由德盛感人之深乃能致然每使 金グロル とこし 近來為况何如教令既子當益無事且須為少留否相 愧昔賢耳 須得服議論其此間但有長沙梁仁伯

泉者資稟剛介亦殊有志但久從陸子靜守其師說甚 楊眉瞬目之機子靜此病曾磨切之否亦殊可懼 秀才在此資質亦頗浮寫近有澧州教授傅夢泉來相 欠己日日上日 其祖母病復歸殊覺落莫子澄有新功否甚恨未識之 梁仁伯主簿偕來者日夕得殿即講論近頗長進偶以 伯恭聞復喪偶多難如此可念可念有澧州教授傅夢 見乃是陸子靜上足其人亦剛介有立但所談學多類 南軒集 <u>‡</u>

カルス 金分四月分量 若肯聽人平童它日恐有可望也 卷二十

濂溪先生祠記乃遂刻石對之愧汗即龍想見勝縣欲 文甚佳此間却不至有如此太甚者大抵近北州民間 詩續當寄上近作每得之 朝有開 到籍異財榜

龍山四顧雲水渺然亦復壮觀平原中獨有此山亦 以易道說非湖鎮間比也重九日出郊二十里間遂登

如龍蛇耳堤岸係

尋常極草草

以名欲求尊兄為記幸不惜落筆以為此邦形勢之重 **象甚佳因為樓於上登覽遂為一郡之冠以曲江樓名** 近處久塞今移于此緣舊學出門即牆面今馬開闢氣 為之久遠之計不敢草草也 盛時其不為魚者幸耳近城 之蓋張曲江來為長史時有登江陵郡城南樓詩故用 / 懇比對都學開一城門正直江湖舊有門曰思波在 一提十數里最所恃者今

於定日車 全村

南軒集

君德今病既退當專意存養此非特是養病之方也 徒自損何益如編文海何補於治道何補於後學徒使 雲水之外也 如高沙湖之類皆在指顏以至峽州諸山亦隱隱見於 樓之下即是白水河河之外即大湖樂樂之外即荆江 伯恭近遣人送藥與之未回渠愛散精神於開文字中 力国於翻閣亦可憐耳承當編此文字亦非所以承

金がり ロルーハコード

		 		uara Causa	
大学习事人的					
南軒集					
<u> </u>					

表二十四	南軒集卷二十四				全世代人では、人にない
					卷二十四
		·			

欽定四庫全書 存養是本覺向來工夫不進蓋為存養處不深厚存養 次定四軍全書 可無俟無可之言未當不引領東望也所示讀書次第 力也方於閉服不敢不勉但良明在遠母誦一日不 南軒集卷二十五 讀書先廬粗安晨夕顧存養省察之功固當並進然 書 寄吕伯恭 南軒集 張栻 撰

皆者實蓄德喪志之分誠不可不察易傳所謂考跡以 病漏却不干學問事若只坐在此上却恐頹懂少精神 此在資質固為美然在學問不可不防有病它人所有 見體察之功甚每思尊兄於尋常人病痛往往皆無之 也來教有云平時徒侍資質工夫悠悠殊不精切此 話惟覺二程先生完全精粹愈看愈無窮不可不詳味 觀其用祭言以求其心此語極緊要近來讀諸先生 惟析夫義理之敬而致察於物情之細每存正大之體

重りに

當為若曰喜事功則喜字上縣有病元梅數通書講論 其為人但所舉兩說甚偏恐如此執害事事功固有所 九防己意之偏此人盡吾誠意以告之從與不從固不九防己意之偏好事上一毫才過便是私意如要救正 欠足可量 在 士龍及陸徐薛叔似諸君比恨未及識士龍正欲詳聞 否但仁義中正之論終執舊說濂溪自得處渾全誠為 凡舊尤好語孟精義有益學者序引中所疑曾與商確 人多長進者否有書來者各隨其說以鄙見答之矣薛 便有偏雅比類可見 横而充之則幸甚幸甚相從諸可必也若必欲叛正得横而充之則幸甚幸甚相從諸 南軒集

逢亦留意但向來多是想像態度殊少工夫故病痛多 叔己两來相見非久欲遷城居去下相識如胡廣仲伯 意於學者亦四五人每教以著實於主一上進步耳晦 則未當枯出此意恐更當研究也此間士子資質好有 書中與學者講論多矣若西銘則再四言之至太極圖 故未免返流於牽强而亦非濂溪本意也觀二先生遺 二先生發源所自然元晦持其說句句而論字字而解 金グロだろう 不精進亦數有書往來也孟子解雖己寫出其間毛病

炎定四車全雪 家廟異時廟成定祭禮庶幾正當伯恭所考因來却幸 改級不停正如春草旋刻旋有且欲自家體當處敢傳 見寄也它懷非遠書所可盡有便不惜寄音 掃而已時祭只用二分二至有此不同耳家間方謀建 晦寄本頗詳亦有幾事疑後再改來往往己正今録去 但墓祭一段鄙意終不安尋常到山間只是頓額哭酒 有開警別紙奉報并後來改正處亦録去祭儀向來元 諸人見録一本它時欲奉寄求益也仁說所題數段極 N 南軒集

來每見衣冠不整舉止或草草此恐亦不可作小病看 之心也來書所自察向來之病其間有云以私為公以 蓋可以見者實務本乃為至要才不帖帖地便使有 情為性者可見察之之精更宜深勉於篤敬之功也向 耳深味論語一書聖人所以教人與學者所當用力者 迹者乃是深失銷磨雖庶幾兢兢馬惟恐乗間之竊發 自歸抵此亦既半歲省過矯偏但覺平日以為細故粗 多グログスニッツ

|覺得有滋味令却鈍悶若信得及却可與講習也其言 次定四車全書 一人 也初之說誠然彼中諸人如何今次寄來問目却覺了 有肯來講論者今殊不敢泛告想渠軍聽其以前說話 古人衣冠容止之間不是要作意矜持只是循它天則 而謹之也今世學者慕高遠而忍早近之病為多此間 合如是為尋常因循急她故須著勉强自持外之不肅 耳語學者躐等之病鄙懷近來正謂如此敢不深思 謂能敬於內可乎此恐高明所自知但不可以為小 南軒集

約會思量雖是泛然且須令思量要是須從此過耳此 學而篇數段甚有滋益三段已改過别録去巧言令色 晩亦欲更力言之 後所答今録呈但渠議論商確間終是有意思過處早 之理之意却好繼而再得渠書只拈此三字却有精神 但前來所寄言語間終多病兼渠看得某意思亦老草 亦是自己見得曾如此也元晦仁說後來看得渠說愛

集解必已曾見其意謂不當刑去前輩之統今重編過 槃之詩與夫志在君也之辭使人三歎也元晦向來詩 士君子墮在此病為多此意殊不厚非惟先自隔絕無 只當於居喪說若謂沒言行則父在固亦當觀其行但 章前已曾改今送言仁一冊去父沒觀其行却恐文意 有味停蓄鎮重之戒敢不深佩以不當憂責為幸近世 有所不得行要以觀志為主耳論子思標使者之說甚 由感通存心既爾若一旦臨事豈復更有力乎詳味考

飲定四車全書

南軒集

其前月半間積寒成疾勢極危諸事亦已處置順聽之 倫之際學者須是先教存忠厚之心也 者録之如此備矣而其間或尚有餘意則以已見附之 觀層論中教人以詩為先蓋與起情性使人深寫於 病中念平日頗恃差肚嗜欲少故飲食起居多不戒 一程先生及横渠召楊之說皆載之其他則采其可 夕氣復諸證盡退蓋服熱劑灼艾之力今幸已復

豈是自私蓋理合如是耳尋常忽略亦是豪氣中病痛 生冷不避風寒此亦是自輕觀鄉黨中聖人衛生之嚴 孟敬子者最為親切母覺上蔡所解語録中循似未精 也每得來書未當無所開警所謂威儀解氣間豈持兄 所當勉其日從事于此而每恐其不速也曾子所以告 愈覺周子主靜之意為有味程子謂於喜怒哀樂未發 少工夫故本領尚未完一二年來頗專於敬字上勉力 穩此要須自家子細下工夫耳其自覺向來於沈潛處 南軒集

滯恐復因循於它日也亦非特此事大抵覺得老兄平 為復集今次須是執得定斷得分明不然循有絲毫牽 誘得就義之理今已謝遣甚幸但舊已當謝遣後來何 扶殊謂未然若是為舉業而來先懷利心宣有就利上 事者實肯做工夫者乃有可望耳去年聞從學者甚象 今亦有向方者但看長遠如何文字小小開解誠不濟 質居處之說甚善當深察之不敢虚來意此間士子 目 之前更怎生求只平日涵養便是此意須深體之也氣

使之宛轉求遂已之請却似不消得如此添加耳更幸 次色马車上車司 之理元晦解不敢當為合義但當時說一二不同志者 亦似未安周之則可受謂不使機餓於土地只是來相 日似於果斷有所未足時有牽滞流於姑息之弊雖是 周故可受令乃是受加之官寵豈有安坐于家而坐享 知義不足則所謂仁者亦失其正矣又如論朱元晦出處 過於厚傷於慈為君子之過然在它人視我則觀過可 以知仁在我自檢點則然是偏處仁義之道常相須要 南軒張

美項見相識間有好為調護審細之論退而察之其實 而紫於寵利見不已馬知人之難恐不可以不察也蓋 畏怯名曰愛國恐只是為身耳故臨利害則氣懾志喪 思之其舊在臨安已覺兄之病有此今復因此二事詳 多グビルノコー 直前妄發固為不是然於所當然而不然又别為之說 來書所謂解氣務令平和然實處不可回互此語盡之 及推此可以概見也如何如何

恐終不免為茲而已矣此論不須為它人說思慮所及 因來諭有發于中故及之耳

易氣無為已私横截斷庶乎其有取也知言序可謂犯 之意己於季立書中言之矣想必須見幸更深思平心 垂輸之詳再三誦之政所望於良友者但鄙意不能無 疑如自滅天命固為己私一段恐錯斷文句故失先生

不題見教處極幸但亦恐有未解區區之意處故不得

次足四年全書

南軒集

答彪德美

說忽下學而驟言上達掃去形而下者而自以為在形 也來書雖接引之多愈覺泛濫大抵是含實理而駕虚 更幸詳觀却以見教若夫辭氣不足以發則誠陋之故 非若此語指而言之也故於答之之辭中引子貢之語 此蓋是設或問之辭故以或曰起之然云指言則謂如 以為夫子之言無非天命之流行發見也意則可見矣 天命之謂性是指言也其它說話固無非性命之與而 不白如云夫子未曾指言性子思中庸首章獨一言之

器之表此病恐不細正某所謂雖闢釋氏而不知正惟 耳其近來反復思之不可不為盡言惟天資態茂必能 來書猶未免欲速逼迫之病任重道逐要須弘毅為先 更講之耳 亦不敢進說于前也然其之見亦豈敢以為便是哉願 在其中者也故無復窮理之工無復持敬之妙皆由是 明友之實攻若忽而置之日吾所得自高妙矣則僕 答吕子約

於定四車全里百

南軒集

過當反害於心涵泳栽培日以深厚則玩索處自然有 循循有常勿起求獲之意乃佳理義固須玩索然求之 力也勉之勉之平時病痛所貴求以銷磨矯操之却不 不甚精切顏子氣象但當玩味於論語中及考究二 可徒自悔恨於育中反添一病遺書中所謂罪己責躬 生所論則庶發得所復求矣 可無却不可留在胃中為悔是也希賴録舊來所編

次定四車全書 所謂近日之病却不在急迫而懼失於因循此亦可見 區固未必能深益高明加以所懷非書可完惟幸深思 **笈多則當漸有向進不可求近功也別紙亦各答去區** 則 諭及邇來工夫足見不輟但所謂二病若曰荒怨因循 有以見復 深思於主一上進步也要是常切省属使凝飲清肅時 非游泳之趣若曰蹙迫寡味則非矯揉之方此正當 南軒

當漸可減矣楊龜山所舉富公崇深之說固為有益於 省察之功然此亦只是一病不失之此則失之彼矣以 學者然特拈出此二字却似未穩更幸思之侍旁雜 須本源上用功其道固莫如敬若如敬字有進步則弊 者不失於玩則失於過紛紛擾擾滅於東而生於西要 至於閨門之間不過於嚴毅則過於和易交游之際厚 而事事必察馬學之要也 于職所當任豈容少有厭煩忽細之意惟主敬以立本

庸解録未畢今先寫三段去大網規摹如此也未知 答胡伯逢

如何垂論性善之說詳程子之言謂人生而靜以上更 不容說才說性時便已不是性繼之曰凡人說性只是

難言而遂不可言曰不容說而遂不可說却恐渺茫而 言所以為有根柢也但所謂善者要人能名之耳若曰 自可見大抵性固難言而惟善可得而名之此孟子之 說繼之者善也孟子言人性善是也但請詳味此語意

欽定四朝全里

南軒集

思時有所見亦未必是也惟願與例友共論馬夫天命 垂輸足見講學之勤至所願幸其愚惟不敢不深潛其 恐未免有弊不若程子之言為完全的確也某所恨在 無所止也知言之說究極精微固是要發明向上事第 志哉熟甚近郊已復覺早彼中何如更幾以遠葉自重 追恨何極然吾曹往返論辨不為苟同尚先生平日之 先生門闌之日甚少兹馬不得以所疑從容質叩于前 答胡季立

まらせん ハーディ

次至日本全事 一 非識道心者也知言所謂自滅天命固為己私蓋謂是 自私天命不流通也故其所謂心者是亦人心而已而 皆自吾心生者是昧夫太極本然之全體而返為自利 也未應不是先已應不是後立則俱立達則俱達蓋公 天下之理非有我之得私此仁之道所以為大而命之 理所以為殺也若釋氏之見則以為萬法皆吾心所造 之而是理也何曾有間斷聖人盡之而亦非有所增益 之全體流行無間貫乎古今通乎萬物者也聚人自昧 南軒集

鑑當今先将逐代大節目會聚始末而觀之頗有意味 之是非邪正至於幾微節目與夫疑似取舍之間尤當 如高祖入闋滅項誅功臣之類皆作一門備其源流此 承諭觀史工夫要當及其治亂與壞之所以然察其人 以見教 也若何所斷句則不成文義失先生意矣更幸思之却 全またくなった イニアモ 三復也若以博文見助文辭柳末矣此間士子輩觀通 答胡季履

與雜相似而不同不可不察也有所發明母惜示教 次至可華 全事 辱惠書審聞侍奉平達武林復候勝福極以為慰諭及 但旁觀博取之時須常存趨約之意庶不至弱心又博 所論讀書欲自博而趨約此固前人規摹其序固當爾 日讀二程先生遺書甚善要當平心易氣優游涵泳所 亦編得有次第方欲取前輩議論之精者入於其間也 答胡季隨 南軒集

一愛所見所疑便中不惜頻示還轅當在何時耶 華盛之地奪志者多惟敬自勉以承先世之業更祝厚 |之久久自別也歸來所作洙四言仁序主一箴録去所 靠言語上求解則未是須玩味其古於吾動靜之中體 讀其間談性命處讀之愈勤探義愈晦無恠其然若只 要詩亦寫在別紙彼中過從為誰歲月易邁人心易危 金のせんという 録示序文三復足見所志雖然升高自下陟遐自邇善

學者志必在乎聖人而行無忽於卑近不為驚惟恍惚 次足马車

全主司 軍以己意直斷輕議也 也其間傳録失指者固有之正要學者玩味耳若便 元晦所編遺書只是哀聚逐家所編全入之都無所 之見而不舍乎深潛鎮密之功伊洛先覺謂學聖人當 以顏子為凖的誠明訓也徳門令質惟益勉之 却殊無意味也得此等文字且當服膺沈浸其間 南軒集 十四

斷殺須是潛心若果下工夫方覺其未易也只據前人 者非是為尊讓前輩蓋理未易明不應乗快便據目前 其間真偽在我玩味之久自識別之耳所謂未容輕議 所諭二先生遺書其間固有傳寫失真者向來龜山欲 多グロル イニョモ **則正而远未下筆要須究極精微無所憾者乃可任此** 未容輕議也今元晦所集皆存元本在學者亦好玩 辨亦須自家胷中自見得精神乃可不然亦只是隨 卷二 † 5

諭及曰閱致堂史論甚善秦漢以來學道不明士之見 欠己日早上日 戒勉茂遠圖厚自愛 言之有味願吾友深體之它希篤沈潛之功以輕易為 於未精當中求精當不可便容易指以為非而削之也 顏子事多削去先生以書抵某云其它諸說亦須玩味 人後贊歎而已其項年編希類録如莊子等諸書所載 此事是終身事天地日月長久今十有二年矣愈覺斯 南軒集 芨

之之道要須深思夸勝之意何自而生於根源上用工 承諭夸勝之為害可見省察之功正當用力自克也克 正欲更改定耳 得者乎要當以致遠自期而於人則一善之不廢是乃 未有别本可寄得之即附往但此書編得未精細元晦 於事業者固多可憾然其間豈無嘉言善行與一事之 金んといたくヨヨモ 擴弘恕之方而為聚德之要也正惟勉之名臣言行録

恭甚善近來士子肯向學者亦時有之但實作工夫 之所不可及者其惟人之所不見乎要須深惟尚綱之 義鞭群儘覺有味也 季隨通來下工如何聞時往見梅叔甚有講論否君子 通來玩釋想自不廢有可見告者否若入浙因一見 伯 於西也正惟勉之 銷磨乃善若只待其發見而後遏止将見滅於東而生 耐

次定四草全里 一

南軒集

去

痛多耳 如高致感歎何勝而其荒疎不足以辱來問始以其所 · 垂輸浩然之氣工夫正在集義當於嫌段處驗之集義 久者極難得也且是要鞭群向裏如此下工方自覺病 伏家賜書陳義粲然重惟兹世講學之緒不絕如帶有 以敬為主孟子此 乃敬之道也 多グロんといって 答陳擇之 段雖不說者敬字勿忘勿助長是

影而迷真憑虚而含實拔本被根自謂直指人心而初 大夫信哉斯言也然而今日異端之信烈於申韓蓋其 從事馬者試共論之左右謂異端之感人未必非賢士 說有若高且美故明敏之士樂從之惟其近似而非逐 者有志於學以也於此一毫勿屑而後可得其門而 乃人道之經而本心之所存也其忍斷棄之乎嗟乎天 未嘗識心也使其果識是心則君臣父子兄弟夫婦是 之禍莫大於似是而非似是而非蓋霄壤之隔也學

次产习自人主

南軒樣

也然而欲遊聖門以何為先其惟求仁乎仁者聖學之 其也不敏尚庶幾切磋之益 之又曰求則得之左右試取會論所載精思而深求馬 真實妙義配天無疆非異端空言比也孟子曰思則得 樞而人之所以為道也有見於言意之表而後知吾儒 凡人之病必有受病之處雖風雨暑寒燥濕之不同而 **氣行無間隙不在馬惟其日引月長浸而不已故良驟** 答謝夢得

金グロル イニョー

卷二

大定马草人等 一 右試詳思而察馬凡心之病固多端大抵皆由其偏 無不如意不幸而春扁和緩之不遇而至於病矣則将 會其微而後之砭劑如郢人之運斤甘蠅飛衛之射發 之治病必先望其顏色切其脉理而完其腑臟之變以 身而莫知其病之處此惟弗察之故也語曰觀過斯知 病之在心顧獨不思所以教之者乎左右謂病散在 何救嗟乎病之在身猶将不遠秦楚之路而求以治之 仁矣觀云者用力之妙也引繩而絕之其絕必有處左 南軒集

其求去未得尚爾追勉春來城南花柳每見夢寐中 服而何以起人之廢哉孟子曰子歸而求之有餘師多 **某者蓋三折肱而未得為良盤也方汲汲然自治之不** 賢之經皆妙方也察吾病之所由起而知其然審處其 言不足 以答盛意 方專意致精而樂之則病可去病去則仁仁則生矣如 答劉炳先昆仲

作自一勺而至於稽天則若人雖生無以異於死也聖

卷二十五

多グログノニー

聞民仲相處益雅怡諸郎亦皆孝謹知公家門户方昌 問所稱重每延接慰勞用以風厲其俗也 未艾耳此間士人伍氏兄弟本章貢人亦以友睦為鄉 ススート・コー ノ・ト・ト 南紅集 克

南軒集卷二十五			多定四年全書
十五			
			卷 二 十 五